

四庫全書

集部

欽定四庫全書

集部

十五家詞卷

二十七至
三十

詳校官內閣學士_臣尹壯圖

侍讀_臣孫球覆勘

總校官降調編修_臣倉聖脉

校對官中書_臣王慶長

謄錄監生_臣印鴻緒

欽定四庫全書

十五家詞卷二十七

休寧孫默編

王士禎衍波詞上

蓋聞之弇州曰花間者世說之靡也草堂者文選之
變也而余以為不然花間句雕字琢調或未諧句無
不緻是昌谷之靡也草堂音協調流句或未妍體無
不秀是西崑之變也至所云字必色飛語必魂絕則
美出自然誠非緣借矣嘗試論前代諸家文成之於

元獻猶蘭亭之似梓澤也新都之於廬陵猶弘治之
似伯玉也瑯琊之於眉山猶小令之於大令也公謹
之於稼軒猶宣武之似司空也連黃門舍人之於屯
田待制直如曹劉之於蘇李遂覺後來益工然未有
如吾阮亭者也阮亭年少才豐無所不擅古文義
書詞直欲一時將去即如詩餘一事於阮亭直雕蟲
耳而以余讀之篝燈蕭寺中夜琅琅覺十年中離別
之苦哀樂之多無不怦然欲動而艷思綺語令人手

推口維而不能解則阮亭之移我情與我情之合於
阮亭誠有不自知者又何色飛魂絕之足擬也哉如
余舌本作強筆底如椎偶賦短言無關佳事即至同
里諸子好工小詞如文友之儼艷其年之嬌麗雲孫
之雅逸初子之清揚無不盡東南之瑰寶以視阮亭
並驅中原猶恐不免為黃沛耳蘭陵鄒祇謨訐士撰
小令

南鄉子 第一體

送別

送客江船孤帆點點沒天邊却上高樓臨極浦日暮一
綫春流如碧玉

叶

其二

欲去難留蜻蛉一葉木蘭舟細語離觴人竟去何處新
婦磯頭烟水綠

叶

望江南

秦郵有贈

江南好風日近秦郵銀甲暫停朱閣午玉笙纔度碧雲
秋扶醉且淹留

其二

江南好春暮雨廉纖魚子天晴初出水鼠姑風細不鉤
簾底事惱江淹

其三

江南好最好是孟湖何處情人名碧玉誰家亭子號真
珠聊為結相於

其四

江南好畫舫聽吳歌萬樹垂楊青似黛一灣春水碧于
羅懊惱是橫波

其五

江南好又過落花朝玉茗歌殘情歷歷金堂人散水迢
迢魂去不須招

柳枝

本意

鴛鴦湖上水漪漪黃入東風柳漸垂湖裏鴛鴦湖畔柳
送懷歸處足懷思

其二

二月江頭見柳條千絲萬縷映春潮銷魂橋上銷魂樹
不到飛花魂亦銷

灞橋一名
銷魂橋

趙北口柳枝詞

湖光如鏡復如酥柳色迢迢入大沽亭午銀魚風漸小
一帆春水到蠡吾

銀魚風名直沽河
畔村落悉號曰沽

其二

樓船彷彿小江南
纜剪溪藤蜀罽帆
飛花相送向何處
柳外官橋黃布帘

其三

湖外垂楊湖上菱
夜來春水欲齊梢
波浮碧藻金魚尾
風墮紅翎玉剪巢

東粵竹枝詞

珠娘十五嫁珠兒
住近珠江水
涓江水有情還照妾

江花無計可留伊

南俗以珠為貴生女為珠娘生男為珠兒韋莊詞弄珠江上草萋萋

其二

沉香浦上花如雪玉鏡臺邊人似霞
醉下蘭舟馱細馬

不知今夜宿誰家

沉香浦玉鏡臺皆地名

其三

零丁洋裏布帆行
別日春潮帶雪生
昨上高樓望晴色
素馨花滿五羊城

南鄉子

第三體

夏詞

菱刺綠藕花香小
姑相喚出橫塘
隔浦少年私致語
忌歸去日暮水寒
飛屬玉_叶

如夢令

春晝

簾外遊絲片片
晝靜碧虛常卷
翠雀下花陰
啄破春陰
一線誰見誰見
清淚朝朝洗面

碧虛窗也李後主與故宮人書此中日夕只以

眼淚洗面

和漱玉詞

送別西樓將暮望斷王孫歸路昨夜夢郎歸還是舊時
別處前度前度記得柳絲春鶯

其二

簾額落花風驟春思慵如中酒久待不歸來解識相思
如舊堪否堪否坐盡寶鑪香瘦

題葉欣畫漢宮秋晚

道是江潭小苑又道披香宮殿蓮葉悴金塘何處羊車

鳳輦秋晚秋晚有箇人悲紈扇

李賀有賦
江潭苑詩

點絳脣

春詞和漱玉韻

水滿春塘柳綿又蘸黃金縷
燕兒來去陣陣梨花雨
情似黃絲歷亂難成緒
凝眸處白蘋青草不見西洲路

古詩折梅
下西洲

懷程村遊西湖

淼淼西陵聞君南去尋蘇小
六橋春曉處處游絲繞

回首臨安往事傷懷抱空春草吳歛清妙且把金樽倒
浣溪紗

春閨

柳煖花寒雨似酥流鶯和夢覺來無東風料峭捲蝦鬚
欲覓滿湘屏上路楚山如黛少雙魚口脂慵點鏡中
朱

其二

小院蘼蕪欲作叢秋千池畔畫堂東日斜鶯囀謝娘慵

情思託人何處去碧桐陰裏下簾櫳玉釵微墮髻鬟

鬆

託音坭去聲
見顧覓詞

其三

寶馬流蘇上洛津玉人相見宋家鄰重重屈戌掩殘春
檀暈乍消星的淺眉痕初淡月梭新簾衣如縠映橫

陳

和張泌韻

記得相逢亞字城留仙裙底步蓮輕吳家小女字盈盈

眉語似通還匿笑目成難去且徐行個儂無賴可憐生

其二

雨後蟲絲眉碧紗朝來鵲語鬥簷牙日痕紅曙一欄花
殘夢未遙猶眷戀篆烟初裊半天斜消魂應憶秦娘

家

天音
歪

和漱玉詞

花影鈎簾幕歷歷垂紅蕤人夢到天涯晚風隔院響添梯

畫閣久閒金屈膝平蕪何處錦障泥煩他謝豹客邊

啼

添梯蠶車
上竹所為

其二

奩畔豪華間玉梳新粧才罷曉寒初曲欄花日影扶疎

金鴨暖香消桂蠹夜蟬輕翅上桃蘇問郎曾解画眉

無

豪華理鬢器夜飛蟬
所以飾妝桃蘇髻名

其三

漸次紅潮趁靨開木瓜香粉印桃腮為郎瞥見被郎猜

不逐晨風飄陌路願隨明月入君懷半床軀夢待郎

來

古詩良人為漬木瓜粉晨風句用
孫子荆詩明月句用曹子建詩

夜行即事

灼灼紅蘭映柁樓娟娟珠露散汀洲
湘靈鼓瑟夜深遊
萬點水螢光不足一灘涼月皓爭流
白銀灣上數鴻

秋

題余氏女子繡浣紗圖

何處青山是若耶
苧蘿村畔認西家
滿溪花辦浣春紗

未入吳宮猶淡漠一辭烏喙便天斜針神十五鬢堆
鴉

紅橋同篠菴茶村伯璣其年秋崖賦

北郭清溪一帶流紅橋風物眼中秋綠楊城郭是揚州
西望雷塘何處是香魂零落使人愁淡烟芳草舊迷
樓

其二

白鳥朱荷引畫橈垂楊影裏見紅橋欲尋往事已魂銷

遙指平山山外路斷鴻無數水迢迢新愁分付廣陵潮

其三

綠樹橫塘第幾家曲欄干外卓金車渠儂獨浣越溪紗
浦口雨來虹斷續橋邊人醉月橫斜棹歌聲裡采菱花

附紅橋遊記○出鎮淮門循小秦淮折而北陂岸起伏多態竹木葱鬱清流映帶人家多因水為園亭榭溪塘幽窈而明瑟頗盡四時之美孥小艇循湖西北行林木盡處有橋宛然如垂虹下飲於淵

又如麗人靚粧極服流照明鏡中所謂紅橋也遊
人登平山堂率至法海寺捨舟而陸徑必出紅橋
下橋四面皆人家荷塘六七月間菡萏作花香聞
數里青蘆白舫絡繹如織良謂勝遊矣予數往來
北郭必過紅橋顧而樂之登橋四望忽復徘徊感
歎當哀樂之交乘於中往往不能自喻其故王謝
冶城之語景晏牛山之悲今之視昔亦有然耶壬
寅季夏之望與薛菴茶村伯璣諸子偶然漾舟酒
闌興極援筆成小詞二章諸子倚而和之薛菴繼
成一章予亦屬和嗟乎絲竹陶寫何必中年山水
清音自成佳話予與諸子聚散不恒良會未易道
而紅橋之名或反因諸子而得傳於後世增懷古
憑弔者之徘徊感歎
如予今日未可知也

菩薩蠻

和飛卿

夢殘鬢裏垂香枕芙蓉髻墜蒲桃錦翠幄碧如烟小星
將曙天起來雙黛淺繡閣拋金剪憔悴鼠姑紅玉階

三月風

鬢裏髮撥名晉惠
帝宮人梳芙蓉髻

有贈

斷紅雙臉眉如黛清晨小立欄杆外映柱送橫波教人
無奈何漫言嘗見面似隔蓬山遠撩鬢道匆匆春愁
知為儂

詠青溪遺事畫冊同其年程邨美門

乍遇

東風入柳三眠起
秋千小院重門裏
對對浴紅衣
鴛鴦塘上飛
箇人花底見
驚喜迴團扇
含笑指鴛鴦
花時日日雙

又
夾卷

曲闌干外紅蘭吐
綠窗人靜聞鸚鵡
兩兩賭圍碁
沉吟金釧遲
郎誇中正手
向姊偏多口
解意小鴝兒
惱人將負時

又私語

梧桐花落飛香雪捲簾一片玲瓏月人月兩嬋娟倚闌
凭玉肩小鬟春睡倦裙上苔花茵私語好誰聞姮娥
應羨人

又迷藏

玉蘭花發清明近花間小蝶黏香鬢邀伴捉迷藏露微
花氣涼花深防暗邏潛向花陰躲蟬翼惹花枝背人

扶鬢絲

蟬翼
鬢名

又彈琴

玲瓏嵌石紅蕉葉蕉陰寶鴨香初熟獨整素琴彈琴清
玉手寒聲聲珠作串彈出湘君怨今夜夢瀟湘琴心
秋水長

又讀書

簾衣半掩湘妃竹洞房今夜攤書讀懊惱畫屏人銅壺
清漏頻潛藏郎背面作劇桃枝扇鸚鵡喚回頭低鬟
笑不休

又潛窺

雙雙玉兔衣如雪中庭桂樹懸明月也解逐雄雌倚簾
含笑窺幽蹤卽見慣潛向銀屏看嬌靨暈紅潮佯羞
妥翠翹

又秘戲

蟬紗半幅圍紅玉龜紋枕畔雙鬟綠銀蒜鎮垂垂含羞
忍笑時屏山金屈戌女伴偷相覷明日畫堂中須防
面發紅

古詩當時近
前面發紅

又迴文

鏡臺移日朝紅映映紅朝日移臺鏡人玉照穠春春穠
照玉人幕垂寒略略叶料略略寒垂幕叶冒花曉襯窗紗
紗牕襯曉花

卜算子

留友人

天氣近清明汝定成行否雨雨風風不暫停作意催花
柳柳色染征衣花氣薰殘酒縱使無情也斷腸爭似

同攜手

記夢

風水望西陵煙樹迷南浦千里相思又暮春夢裏江南
綠處記下水晶簾簾外紅蕉吐殘篆初縈斗帳垂好

是儂歸處

醜奴兒令

隋堤

隋皇昔幸東都日錦纜迢迢鳳艚龍艘剪綵宮中暮復

朝 琵琶忽唱安公子紅炬烟消故國寒潮一曲清江
柳萬條

減字木蘭花

為長沙女子王素音作用稼軒過長沙道中見
婦人題字用其意作韻

離愁滿眼日落長沙秋色遠湘竹湘花腸斷南雲是妾
家掩啼空驛魂化杜鵑無氣力鄉思難裁楚女樓空

楚雁來

原詩可憐魂魄無歸處應向枝頭化杜鵑
花間詞楚女不歸樓枕小河春水

楊花步弇州韻

紗窓夢起極目玉闌人
萬里斜綰千條自古銷魂是灞
橋
春陰不盡除却殘鶯誰借問陌上樓前消得春闌
幾日憐

唐詩楊柳裊裊隨風急西樓美人春夢中翠簾斜捲千條入

楊妃

木蘭殿裏迴雪流風人莫比
萬里橋頭水綠山青不盡
愁
連昌春竹空映落花紅
簌簌莫問當年錦襪猶能
直許錢

梅妃

天然姿媚比向梅花應不異一斛珍珠得似鮫人淚點
無文園老去恨煞無人能解賦我見應憐不索長門

買賦錢

明皇以斛珠賜妃妃辭不受常以千金壽高力士求人擬相如長門賦迴上意報曰無人解賦

秦淮歸棹

隔溪桃葉照影秋波雙盡櫺舊日琅琊紅板橋南第幾
家
趁潮歸去一縷柔情無着處但有垂楊葉葉枝枝
解斷腸

好事近

二月竹亭雪後觀梅憶鄧尉舊遊和蔣子雲韻
社日過花朝寒峭瓊瑤還落狼籍梅花千片灑何郎東
閣惜花擁鼻正難憖往事渾如昨記得蟠螭花下有
扁舟孤泊

柳含烟 第一體

本意

銷魂樹曲江邊移自永豐坊裏東風吹雪又吹綿艷陽

天何處行人歌水調極目黏天芳草錦帆曾此向天
涯落誰家

憶秦娥

憶秦淮

秦淮水紅樓一帶波如綺波如綺琉璃窗下水晶簾低
梅花點額芙蓉髻粧成照影春波裏春波裏一方明
鏡朝朝孤倚

更漏子

與秦淮友人夜話舊院遺事

燕鶯時風景地往日青溪佳麗珠戶裏畫屏中花枝相
映紅 燭花殘更漏咽舊事不堪重說波灩澦雨瀟瀟
西風長板橋

阮郎歸

清明

平山堂外又清明春蕪初蘸青梨花燕子滿江城人家
聞賣餠 邀伴去踏莎行竹西歌吹聲酒旗一片颺前

汀青絲何處停

玉聯環 第一體

個儂

枇杷門巷櫻桃樹個儂曾遇畫衣縹緲水沉薰不辨香
來何處忽似驚鴻翔去凌波微步洛川伊水向東流
八斗才情空賦

畫堂春

咏折桃花

十分春信到梨花絲絲弱柳棲鴉謝娘小閣映窗紗一
片紅霞開處流鶯初喚雨中薄霧猶遮水晶枕畔一
枝斜春在誰家

海棠春

閨詞同程村羨門

曉粧

鸚哥初喚聞方響幽夢起日浮花網花影照流蘇一片
紅潮漾新梳小髻翻荷樣初鉅額邀郎相賞慵畫小
山眉黛粟留張敞

翻荷樣隋宮粧也楊
慎有美人鉅額圖詩

又午睡

綠楊庭院東風足透梵字迴廊千曲蕃騎簇金屏簾拂
寒蛩褥雲鬟掩映芙蓉肉新睡起一痕紅玉小膽怯

空房風動蕭蕭竹

寒蛩褥翳
風所織

又晚浴

星光碎月搖花影神夢響夢迴人醒小婢鬻蘭湯玉沁
冰壺冷沉香卷髮盤龍鏡遲半晌鮫綃重整不管綉

簾前費盡黃金餅

華嚴經鬻香長者善調香鬻
煮也末可用漢成帝合德事

又夜坐

鴛鴦樓角黃昏雨，聽斷續細腰香杵。鴛枕冷水蠶簷外，

風鈴語。蕭郎今夜蘭臺去，偏無賴三通譙鼓。紅淚點

羅衣，消黯難尋塵。

古詩北堂細鬢杵義山詩走馬蘭臺類轉蓬

武陵春

和漱玉詞

末句照原本多一字

昨日相逢歌扇底，偷贈玉搔頭。畫閣香濃郎且休。秋水
簾文流。送別殷勤楊柳岸，花雪滿行舟。雙槳凌風蘭

葉舟又捲起一江愁

柳惲書蘭葉舟載
桃葉小姬以往

山花子

秋閨

斗帳初垂懶卸頭任他黧棧減秦篝簾外銀河天似水

數更籌梧葉催蛩涼到枕花枝和月午當樓還似殘

春寒食夜一般愁

黧棧
香名

寄程崑崙京口

黃鶴山前黃鶴鳴杜鵑樓外杜鵑聲記得戴顓招隱地

共經行 北固雲烟春望遠
南徐風雨暮潮生
一片澄江如練影接荒城

眼兒媚

感舊

少年無賴好尋游
何處着閒愁
羅敷陌上窈娘堤畔到
處淹留
艷情綺思消磨盡
往事似塵漚
楞伽堆案離騷繫肘
別樣風流

堂堂

相逢曾記在秦樓
軟語倚空篴
最難忘
處人稱窈窕鄉
是溫柔
別來光景堂堂去
已事莫回頭
不堪重說韋

郎非少阿杜經秋

古游仙詞韋郎年少心
慵甚偷得紅綃五岳圖

朝中措

平山堂和歐公原韻

平山堂外又東風
寒食柳濛濛
欲訪歐公行處
寒烟暮靄連空
仙翁已遠
髯公復去
丈筆誰工
南望金焦兩

點江天依舊飛鴻

歐公平山詞江
天渺渺沒孤鴻

桃源憶故人

金釵澗上

金釵澗上人如玉解唱春波新曲畫扇船紗十幅春水
平颿綠 三三五五鴛鴦浴觸忤閒愁春日戲擲菱花
相逐又向花房宿

金釵澗在秦郵楊維禎春波曲
云桃花春水長應沒浣花磯

太常引

別思

交飛玉剪羽差池王孫烟草萋門外即天涯正水碧山

青去時 香銷金斗奩孤玉鏡慵自寫愁眉莫遣箇人

知怕減却休文帶圍

玉剪燕名
金斗熨罷

應天長

第一體

閨人刺繡

餞春時節深深院睡起金衣花外囀繡床輕素絲軟一
幅吳綾秋水面 麝烟微螺黛淺衣上唾絨紅濺花落
目長人倦偏髻拖殘線

惜分飛

第二體

程村感事作惜分飛詞五十闋為殿一章

生小盧家堂裏住解賦班姬搗素花底曾相遇兩情脉
脉銀灣渡九十春光花滿樹狼藉宵來錦雨欲問相

思路伯勞飛燕東西去

錦雨連雨也
見五色線

西江月 第一體

懷黃山東園

夢想天都黃海吾廬亦枕黃山半天高柳水潺潺門跨
飛梁絕澗林下棋逢橘叟磯頭釣共漁蠻烟消月出

鶴飛還人在畫溪東岸

黃山兔菰在濟南府鄒平縣城東南里許菰其昌有兔菰記

已邛人剖橘中有二隻鬚鬚鰭然象戲
自若曰橘中之樂不減商山見幽怪錄

詠史

漢武史稱大略隴西家世名流次公已作岸頭侯飛將
數奇不偶 昔日人奴笞罵長安甲第雲浮龍鱗鶴尾
鐵甕笑謂箱徒有口

魯仲連陂懷古題祠壁

少慕魯連高節居然個儻權奇卽鄆指顧解秦圍一笑

千金脫屣 千古清風
蘭雪一竿烟水荒陂
我來髣髴見雲旗獨立
長留天地

吳中懷古本意

一片西江雲月千年常照
梧宮越來溪畔酒城東
往事淒涼如夢轉盼五湖
代長當年三策偏工怒潮
白馬

哭英雄穿脇猶持文種

語云梧宮秋吳王愁吳越春秋伍子胥從海上穿山脇而持

種去與之俱浮于海故前潮水渚候者伍子胥也後重水者大夫種也

燕歸梁 第一體

吳水部園亭觀演燕子箋劇時玉蘭盛開

海燕紅襟語畫梁似惜韶光紅牙一曲舞山香
辛夷花落銀床良媒却借烏衣燕曲江往事堪傷
人間何限鬱金堂憑遠恨與銜將

偷聲木蘭花

春情寄白下故人

綠楊陰裏秋千索乳燕學飛池上閣水漲銀塘落絮浮
萍又夕陽方山亭下江南路畫梁凌波從此去十四

樓空萬葉千花淚眼中

滿宮花

戲題吳蕊仙花卉便面

漢宮春湘竹扇寫出一痕清怨輕紈半幅不禁秋幾點

墨花輕茜憶燃脂思捧硯餘響猶聞金釧武陵倘許

問津來可似漁郎花片

玉臺序燃脂暝寫王霞卿女郎自序云時有輕綃捧硯小玉看

題

醉花陰

和漱玉詞

香閨小院閒清晝。屈戌交銅獸。幾日怯輕寒。簫局香濃
不覺春先透。韶光轉眼。梅花後。又催栽羅袖。怕日
初長生受。鶯花打疊人消瘦。蕭局薰籠也

怨王孫

和漱玉詞

畫閣清悄。情思懊惱。旅雁生秋哀。蛩餞曉。葉底漸減蕉
紅怯。西風驚花步步。卽行處。將夢去。歡儂忍相負。樓

頭望斷千里思
化簪雲遠隨君

雨中花

第二體

風情

料峭東風吹細雨
作使得春愁無主
昨日清明今朝百
五
漸漸春光去
巨勝花前曾記
遇難忘却碧桃千樹
擁髻燈前偷香被底
一一銷魂語

浪淘沙

和漱玉詞

硯匣日隨身檢點殘春橫雲斜月闌鮮新昨夜相思曾
入夢香雨香雲 記得顰丹脣似喜還嗔醒來惆悵隔
仙津欲識迴腸千萬轉日日車輪

漢人詩
齒妃女唇甘如飴

虞美人

和李後主

杜鵑庭院春將了斷送花多少幾層楊柳幾層風總付
銀屏金屋夢魂中 合歡枕上香猶在好夢依稀改迴
環錦字寫離愁恰似瀟波不斷入湘流

本意

拔山盖世重瞳目眼底無秦鹿陰陵一夜楚歌聲獨有
美人駿馬伴平生 感王意氣為王死名字留青史笑

他亭長太英雄解令辟陽左相監宮中

史記呂后以審食其為左丞相

不治事令
監宮中

南鄉子 第三體

閨曉

小婢弄香奩宮餅籠中幾個添細雨如塵人乍醒纖纖

榆莢蝟牆水半淹

曉漏報瓊籤鸚鵡驚寒促下簾愁

鎖眉峰慵對鏡厭厭空說吳娘笑是鹽

前人詩云顛狂楚客歌成雪娥

媚吳姬
笑是鹽

醉落魄

讀天寶遺事

風流堪惜沉香亭下雙鸛鵒長生殿裏如膠漆別院梨

花偷試寧王笛 漁陽戰鼓驚相逼馬嵬古驛羅衫濕

秋槐落盡空凝碧殘月華清何處人行跡

唐人詩行盡江南數十程

曉風殘月
入華清

踏莎行

寄曾道扶魏子存

芳樹秦城春流蜀棧蠶叢西望愁無限
銅梁閣外杜鵑啼嘉陵江上行人飯
遠道縈紆春光婉婉錦江魚香淮南雁去時
楊柳不勝鴉青青又滿隋河岸

秦淮清明

烟雨清明烟花上已樓臺四百南朝寺水邊多少麗人

行秦淮簾幙長干市 舊地愁來干卿何事梁陳故蹟
銷魂死禁烟時節落花朝東風芳草含情思

醉後作

屈子離騷史公貨殖直須一石懜騰醉胸中五嶽不能
平何人解識狂奴意 修竹彈文綠章封事聊將筆墨
供遊戲茂陵若問馬卿才飄飄大有凌雲氣

沈約有修竹彈甘蕉

文綠章封事見昌谷集

和雲間諸公春閨

芍藥紅酣。麝蕙碧聚。羅幃難把春寒護。知他何處送愁來。春來却是愁來路。鶯燕多情。芳菲易度。纔消幾陣黃昏雨。朝來不忍捲簾看。落花片片辭人去。

其二

燕補新巢。花開舊樹。經時不到南園路。水晶簾額又斜風。風前陣陣飄香絮。已怕春來。又愁春去。錦屏繡幙留春住。為誰僂僂為誰憐。紅顏半是青春誤。

咏鏡

香壓彤奩光迎羅幌圓冰背結盤螭樣一泓春水碧如烟誰教移向粧臺上脉脉相看盈盈難傍影娥池畔憑欄望妝成雙鏡照明簾芙蓉並蒂波間漾

小重山

和湘真詞

行雲如夢雨如塵秣陵惆悵事最傷心當年瓊樹照臨春胭脂井猶帶落花痕芳草碧氤氳舊時朱雀桁幾回新青溪休賽蔣侯神風景換紅淚上羅巾

其二

夢裏秦淮清夜游銀罌檀板地幾經秋青溪如帶掌中
流三十曲曲曲木蘭舟錦瑟伴瑩篴春江花月裡不
曾愁折梅何日下西洲音信斷愁上闌江樓

却僧施游
青溪三十

六曲一
曲一詩

臨江仙 第二體

夢起

寶帳垂雲春夢足銅壺漏盡金鸞夢中消息去漫漫心

情無那比似越梅酸
春事料量歸欲盡閒愁酒病多
般碧城十二曲欄干遊仙枕上枉自寫齊紈

十五家詞卷二十七

欽定四庫全書

十五家詞卷二十八

休寧孫默編

王士禎衍波詞下

中調

蝶戀花

和漱玉詞

涼夜沈沈花漏凍
欹枕無眠漸覺荒
雞動此際閒愁郎
不共月移窗罅春
寒重憶共錦裯無
半縫郎似桐花

妾似桐花鳳往事迢迢徒入夢銀箏斷絕連珠弄

樂府合歡

詩寢共無縫綢河
間雜弄有連珠弄

和少游

啼碎春光鶯燕語一片花飛又是天將暮欲乞放晴春
不許黃昏更下廉纖雨春去應知郎去處好囑春光
共向郎邊去畢竟春歸人獨住淡烟芳草千重路

一剪梅

和漱玉詞

雁語金塘水漸秋。遙聽菱歌不見菱舟。望君何處最消魂。
舊日青山，恰對朱樓。九曲長江天際流。似寫相思，難寄新愁。
夢魂幾夜可曾閒。鵲子山頭，燕子磯頭。

漁家傲

本意和漱玉詞

南湖西塞花如霧。我歌銅斗樵青舞。醉後放舟忘處所。
鳬鷗語。覺來已是烟深處。蒲葉藕花相映暮。援琴更鼓。
滿湘句。曲罷月明風葉舉。誰同住。琴高約我蓬瀛去。

出水西門暮抵下關

醉向石城呼小艇總持宅畔花將暝綠柳朱欄相掩映
波光冷捲簾處處珊瑚鏡三日秦淮扶酒病魂銷不
到胭脂井歸舸凌風飛鳥競人初醒清涼山外紅霞影

總持江

今字

醉春風

吳陵送春

一霎瀟瀟雨忽報春將暮謝家飛絮沈郎錢去去去萬

點紅中五更風裏春歸何處
畫舫桃花渡寶馬游絲
路眼前還是未殘春住住住明歲今朝今年明日此情

休負

沈郎錢
榆錢也

解佩令 第二體

賦余氏女子繡洛神圖

芝田蘅薄明珠翠羽想當年洛水凌波步尚憶君王留
怨種枕遺金縷為多情遲君東路 神人間阻神光離
合空悵悵斜陽烟樹今日東阿也鄴下風流終古最傷

心感甄遺賦

婆羅門引

寄袁籀菴用稼軒送杜叔高韻

問平安否金陵南去楚雲西望中烟草迷離回首紅橋
分賦筆掣翠虹蜺歎青門一別白社人稀詩狂酒悲
老大去幾人知往日荊州作牧弔古題詩周郎已矣憶
風流顧曲似當時歸來也兩髻千絲

御街行

第一體

贈雁

銀河一雁歸湘楚似向離人語獨將二十五絃彈玉軫
金徽清苦水明沙碧參橫月落遠向瀟江去 衡陽南
望峰無數楓葉秋如雨不勝清怨却飛來應記江南烟
浦春社纔過又逢秋社燕雁行相遇

祝英臺近

湘江別思

玉繩低銅漏咽人向湘樓別似水柔情此際那堪說劇

憐碧玉瓜時丹珠床上都惆悵穠華銷歇 真悽絕持
贈九曲連環臨歧莫遺玦一望湘波湘山更重疊從教
身化湘烟淚沾湘竹夢亦逐瀟湘雲月

蕙蘭芳引

春思用清真秋懷韻

寒食又過看馬首淡烟飛鷺最望遠愁心江水撥醅新
綠櫻桃夢覺何處問畫樓金屋記箇儂往日翠袖天寒
修竹 塞雪如花江花如雪幾更涼燠便千束鏡毫難

寫柔腸九曲烟蕪遠近傷春送目春欲歸依舊錦衾孤
宿

塞翁吟

和清真韻

記得相逢處倭墮玉髻瓏璁人靜悄畫堂東清暑試輕
容龍鬚初展冰綃薄雲母曲曲浮空側枕卧芭蕉初碧
踟躕新紅 匆匆自回首柔奴別後思往事都如夢中
借錦水桃花箋色合鮫淚和入隋牋小字重封妙歸解

恨似為離人訴盡東風

唐詩寶髻玉璫璫又峽雨試輕容又浣花箋紙桃花色淪塵墨

名姊歸即子規也

長調

滿江紅

同家兄西樵觀海

前段第三句少二字

蕭瑟泓崢臨高臺居然萬里正雲濶決滌粘天無壁日

月縱橫山島外星河爛漫洪波裏把一杯直下俯滄溟

憑鮫室長嘯處天風急新賦就秋濤沸覺帝座非遙

上天僅尺笑指扶桑凌九點下看蟻垤分諸國問何時

來屨訪安期黿身黑

叶中
州韻

尾犯

秋懷

羅袂怯西風玉露初零瓊花暗落一片珠簾對寒梧畫
閣隴首秋雲初黯淡天邊鳴雁長飄泊最堪憐處楚簾
涼生孤睡何曾着吳天凝望遠無限水驛山郭目送
雲中甚雁書堪託往事空憐鞞掾少新歡已負秦樓約

七絃琴上私傳語女床鸞鶴

水調歌頭

送家兄禮吉赴合肥

南國清明節折柳送行人汀洲滿眼香草斜日奈何春
西望清流關外千里廬陽山色碧玉競嶙峋明日搖鞭
去暮雨宿何邨濡須塢淝水戍幾移軍紫髯已遠八
公草木怨咸秦轉眼興亡六代殘劫依稀半局憑吊足
沾巾鶯老春歸矣莫怨久離羣

紫髯謂
吳大帝

鳳凰臺上憶吹簫

和漱玉詞

鏡影圓冰釵痕却月日光又上樓頭正羅幃夢覺紅褪
綃鈎睡眠初睏未起夢裏事尋憶難休人不見便須含
淚強對殘秋悠悠斷鴻南去便瀟湘千里好為懷留
又斜陽聲遠過盡西樓顛倒相思難寫空望斷南浦雙
眸傷心處青山紅樹萬點新愁

聲聲慢

平仄共二體

和漱玉詞

蛛迷楚館雁去秦樓情懷不禁慘戚帶雨寒蛩窗外似
聞嘆息錦衾斗帳人遠枉怨他西風寒急更漏盡夢難
成畢竟此情誰識 畫尺寶奩塵積冷落盡枝上殘紅
如摘倦枕鬟鬆空似鴉翎剪黑裴回那成好夢但鮫人
只有淚滴恁打算那人去怎是少得

念奴嬌

和漱玉詞

疎風嫩雨正撩人時節
屠蘇深閉幾日園林春漸老
徧是鶯聲花氣紅友樽殘
青奴夢醒寂寞渾無味
關山萬里飄搖尺素誰寄
香閣曲曲迴欄殘朱零落
都為傷春倚獸說鴛鴦還
待闋繡被朝朝孤起額淺
鵝黃眉消螺碧顰盡相思
意春來情思小姑將次知
未

紅友酒名
青奴枕名

弔太真

開元盛日正霓裳
按拍凌波裁曲繡
嶺宮前宮騎至
乍進合歡香
橘力士傳呼
念奴清夜潛伴
諸郎宿翠華人

遠樓東恰就新賦 花下羯鼓初終梨園子弟驚散漁
陽鼓舊日曲江佳麗地細柳新蒲空綠棧道深秋華清
夜月腸斷淋鈴雨十年遺恨馬嵬淚盡紅玉

用中
州韻

水龍吟

揚子江上作

岷峨萬里滔滔荆吳九派來南紀潯陽東下秣陵西望
吳頭楚尾鐵甕風高海門雁斷角聲初起嘆從來多少
英雄割據都付與東流矣 盡道長江天塹暗消磨幾

番戰壘師兒年少寄奴老手正堪相匹北府風流子有
孫權甥如無忌到而今洗馬臨江愁絕一天烟水

四上
聲魏

武云師兒難與
爭鋒謂孫策也

拜星月慢

踏青歸晚

雨暈紅酥波耐碧醞乍是清明百五花信風輕拂繡簾
珠戶人初起慵向鏡臺勻面何處隔窗低語青雀傳書
約踏青同去 樂游原一片香車度玉津園十里烟花

路無恙往歲春光又匆匆相遇倩游絲牽惹東君住消
魂絕幾陣棠梨雨呼女伴歸去瓊閨掩漫天飛絮

唐詩
紛紜

隔窗語重
約踏青期

南浦

寄興

河東游俠曾雕弓在臂箭橫腰杜曲灞陵日暮小獵競
相邀飈勁拓弦千石看青天萬里灑風毛聽嚴城畫角
射生歸晚雪暗繡盤鵬老去酒徒零落但歸來南浦

混漁樵苔卧綠沉槍澀秋水冷并刀猿臂才名空射虎

功名事都讓兒曹老子須一卷鴛鴦禪榻雨蕭蕭

金坡遺事

十月初例賜錦襖子太宗改賜黃盤鵬鴛鴦厚經見內典

望遠行 第三體

蜀岡眺望懷古

江樓昨夜聞哀角激灝斜陽將暮淮南水驛故國長亭
一帶迷離烟樹秋月春花歲歲天涯孤客贏得壯懷如
許最難禁常是梅天絲雨誰語獨上蜀岡騁望見亂

柳栖鴉無數板渚人稀玉鈞夢杳不記離宮何處憶自
吳王僭竊阿麼遊幸幾度蕪城堪賦但井欄風急精靈
來去

鮑照蕪城賦邊風起兮城上寒蒼苔沒兮深井欄唐人蕪城詩城裏明月時精靈自來去

望湘人

賦余氏女子繡柳毅傳書圖

看繚綾半幅繡線千絲
沁人幽恨如訴雨鬢風鬟
花愁月暈憔悴牧羊南浦
目斷瀟湘楚天無雁倩誰傳語
忽相逢秦塞歸人灑淚為通魚素
可奈錢塘一怒便碧

雲萬里片時來去宛綃縠明璫無恙龍宮嬌女更休悵
望神人道隔永念君恩難負兩情合何處牽絲社橘依
然春樹

沁園春

偶興與程邨羨門同作

春去秋來林無靜柯川無停流憶卓女壚邊花籠趙瑟
要離冢畔霜淬吳鉤客從游酒徒托乘意氣居然橫
九州誰知道看主家廝養騎尉通侯十年壯志難酬

但眼底清樽恣拍浮，謂萬戶千鍾卿其休矣。千峯萬壑，
吾又焉求龍性難馴，鴻飛何慕。爭席休驚海上鷗，忘機
久任行歌帶索。五月披裘。

其二

何處放懷萬里之流，千仞之岡。笑非佛非仙人，稱散聖
不癡不慧。古號遺狂，蠻觸爭殘。夔蛇觀破，慢世須教覓
樂方誰解識。有批糠粃，舜嘯傲羲皇。門前一枕滄浪，
但秋水逍遙。註幾章問舊友誰過井公園，客新知不厭。

負局修羊金粟前身王清往事游戲人間傀儡場須回

首是麗農方丈早認渠鄉

莊子逍遙遊是其塵垢秕糠猶將陶鑄堯舜王子猷云未

若長卿慢世井公園客負局修羊皆仙人名麗農海上神山也

賀新郎

夜飲用蔣竹山韻

過雨花如繡正果慙四面低垂繁英香透結客十年知
已少何似銀箏翠袖莫須問濤飛山走且把金龜休作
惡未傷神絲竹中年後空淚墮金城柳長安一雨分

新舊更誰能望塵膝席爭名雞口高誓安期靈氣盡一
望三山似阜但海水盡成醇酒鸚鵡螺卮金不落問狂
生得似公榮否休暫住捱纂手

高誓古仙人鸚鵡卮以螺為之凡九曲馮道家

有水晶不落
不落盤落同

席上被酒示程邨同賦

把酒歌金縷正遲日和風小院金衣梳羽緩拍紅牙青
樽畔蟬鬢美人相語更掩映花前白苧釵掛臣冠交翠
鳥細腰身幾欲凌風去似燕燕掌中舞花奴妙合梨

園部便何妨岑牟犢鼻為卿搥鼓數弄漁陽平生氣不

禁飛揚跋扈自古道英雄無主胡粉搨頭聊作劇料思

王而在應相許君但醉酒如乳

飛揚跋扈杜甫贈李白詩句李賀詩自古英雄

本無主胡粉搨頭用陳思對邯鄲
淳事岑參詩花撲玉缸酒如乳

十五家詞卷二十八

欽定四庫全書

十五家詞卷二十九

休寧孫默編

董以寧蓉渡詞上

往歲吾友孫無言稱毘陵董文友先生有弟子數百人談經不輟私意董子當不必求之風流軼宕中矣他日無言出董子蓉渡詞讀之何其嫣然以媚婉約而多思也昔子瞻尚書論語易皆有傳而舞裙歌板之間又復新聲繚繞乃知風流軼宕亦猶風人之旨

也董子著書滿家天下稱之填詞特董子餘事耳吾
近得從董子飲瓊花臺畔見其翩翩霞舉異時過其
讀書處則絳帷後當必有季長女樂書此以為後堂
之券成都楊岱東子撰

小令

閨中好

平體

閨夏

閨中好茉莉香中坐珠汗怕沾紗紅絨罷繡花

荷葉杯 第二體

相逢曲

若箇粉郎嬌艷當面多事一凝眸恰逢小妹乍回頭羞
麼羞麼羞羞

漁歌子

相思曲

銀蒜低垂睡起遲
棟花天氣耐相思
羞對鏡怯吟詩
午倦添香入被池

銀蒜押簾物見古樂府左思詩衣被生重池謂中心皺處

搗練子

橋頭

金作勒王為羈小馬驚香何處嘶紅板橋頭扉半掩幾

絲楊柳掛黃鸝

小馬驚香
魏文帝事

憶江南

叩叩詞

章臺女叩叩結新歡堂下每迎花底笑人前私向鏡中

看可許一生拚

繁欽詩何以致叩叩香囊繫肘後
牛嶠詞須作一生拚盡君今日歡

憶王孫

春閨

東風庭院暗香恬
半樹梨花壓畫檐
眉黛無端簇一尖
晚愁添
細雨蕭蕭不捲簾

如夢令

賦別

綺語和郎細誦紅袖
半肩輕擁忘却漏聲
催早是信雞
催送珍重珍重
此去畫橋霜凍

風流子 第一體

久別

已是別時惆悵更是而今惆恍空寄語未逢歡愁被春風吹長自憐一樣眼角看梢心上

長相思

舟泊

片雲留片雲流水遠山長客子愁如何是盡頭一孤洲一孤舟憔悴天涯黑敝裘相思玳瑁樓

望梅花 第一體

過鸚鵡洲

芳草萋萋如畫喚起彌生閒話死向風波曾不怕長
袴請君穿罷除是阿瞞還值罵黃祖不堪君詫

調笑令 第二體

賦張巡妾

軍中聞笛君寫詩孤城忿恨妾已知援兵不至妾終
死妾先就烹復何辭妾身原委風和雨妾命甘同雀

與麗轅門賜過剡丹心與君自吞須記取

記取和君語自讀睢陽聞笛句縱餘黃土無歸處莫灑
雙雙紅筋願日後攜儂巾幘二十四城傳去

醉太平

壽玉虬叔三十

叔別號雲癡

蘇仙李仙張顛米顛其詩其字之間許雲癡並肩書

簾茗烟琴絃畫箋年年長向花前着金貂醉眠

感恩多

鴻信

昨夜傳鴻信雨後花扶病兼傳病有因為郎顰
忒覺情多真假轉難分轉難分便是空言忍猜他未真

生查子

東內

伴繡小青鬟生性由來好慣得阿儂憐不累伊家惱

茶竈倩他炊藥白虧他搗莫做阮咸姑休學王珉嫂
阮咸

幸姑婢姑當歸初云留婢不果咸追及累騎而還
王珉嫂婢謝芳姿被撻作白團扇歌珉所捉也

臨淮舟次集唐

不見有人烟

孟浩然

人烟隔水見

皇甫冉

寒葦露船燈

周賀野

火明沙岸

祖詠

月晚樹陰多

耿湋

浦迥湘雲捲

朱慶餘

坐看

雲起時

王維

吳山中路斷

方干

醉公子

挑碁

小姑斂衽拜嫂嫂粧臺下
乞早整蓮衣花間去賭碁
杏釵多戴箇停會來輸我
若倩小哥幫輸時拔一雙

重來

乍握纖纖手
儂意他知否
莫便使他知
教他歸去思
重來花下見
紅暈潮生面
纖手只微籠
多時露玉葱

賦艷

儂心何事惱
姐姐欺儂小
偷看合歡書
憎儂問起居
好從花下避
怕見書中字
匿笑不回頭
回頭替姐羞

點絳脣

江晚

去去江舟烟中山色渾無據落雲迎嶼雁向瀟湘去
晚浦觀漁不辨漁人語花如絮月蘆深處那裏汀頭住

消閒

無可消閒不愁怎得光陰過綠窗麝和佯說愁城大
強約愁來愁也來何莫曾經麼和衣獨卧今夜愁真箇

閨思

翠被葡萄輕籠金鴨香烟重梅花影動小閣寒宵共
到得而今無計風求鳳愁千種一場春夢又被燈花哄

旅贈

旅館黃昏染燈檮被鐘聲悄心烟縹緲只是隨郎杳
眉語低時暗計行程早如何好畫看雖巧五日張京兆

女冠子

第一體

春閨

柳綿吹怯不費東風着力看來遲曲迢經行處迴廊遍
何時駕鵞游冶子鸚鵡滑稽兒見人消瘦盡笑人癡
浣溪紗

曉

幽夢宵來托錦膠，起看雜樹已花交。
不禁蓮瓣一輕敲，盟手試香揔荳蔻。
開奩占喜得，蠅蛸繡床針帖尚閒拋。

夜

淡月迴廊幾處彎，花陰潛入候雙鰥。
殘燈明滅未曾還，落繡正窺金約腕。
罷粧猶繫玉連環，一重屈戌隔蓬山。

賦別梁谿主人

十里珠簾正冶遊，好乘青雀下蘇州。
雙銀曾寄杏花樓，愛爾一樽桑落酒。
遲予三日木蘭舟，春風寒到紫羅裘。

閨思集句

欲作家書意萬重

戎昱

美人千里思何窮

吳融

眼看春盡不

相逢

元稹

幾處吹笳明月夜

李益

一聲腸斷繡帷中

宋詞

郊

秋波不動簾紋融

獨孤及

減字木蘭花

村落

柴門傍岬白板雙橋連曲蘄水漲花溪一夜東風沒釣磯
漁童叉髻待攀細柳穿雙鯉細柳條條拖得黃鸝拂板橋

菩薩蠻

生拚

怪郎昨夜欺奴甚生拚獨就紅氍枕脉脉轉銀河郎將

妾奈何 心腸畢竟軟
漸褪羅襦半不覺響流蘇雙鬟
睡去無

舟次集唐

一樽酒盡青山暮

劉禹錫

雨昏青草湖邊過

鄭谷

沙淺浪痕

交章八雲帆礙浦橋

祖詠

潮平兩岼濶

王灣

古木疑撐月

賀何事與心違

于灣

瀟湘人未歸

于武陵

代伊

阿娘碎語綿如絮
檀郎只好心頭貯
音信日來稀
思伊

轉恨伊 此情頻欲寄又恐傷郎意斟酌數行書言歡
字字虛

卜算子

雪江晴月迴文

倒讀巫山一段雲

明月淡飛瓊陰雲薄中酒收盡盈盈舞絮飄點點輕鷗
咒 晴浦晚風寒青山玉骨瘦回看亭亭雪映窗淡淡
烟垂岫

岫垂烟淡淡窗映雪亭亭看回瘦骨玉山青寒風晚浦

晴 咒鷗輕點點飛絮舞盈盈盡收酒中薄雲陰瓊飛

淡月明

醜奴兒令

閨怨

歡情別恨匆匆換歡是前宵別是今朝一樣輕魂兩樣
銷 夢來夢去迢迢覓去夢郎招來夢奴邀兩度輕魂
一處飄

醉太平

第一體

金錢卜

鵲兒不斷燈兒不管紫姑仙
不曾明判擲金錢再算
青蚨飛轉還飛轉只郎去歸偏
緩待點六爻還未半奈
心絲先亂

清平樂

私語

已將身許敢比風中絮可奈檀郎疑又慮
未肯信儂言
語
便將一縷心烟花間斂衽告天若負小窗歡約來

生醜似無鹽

占春芳

金盆濯髮

看翠雨香繚繞亂綰正三分斜插牙梳欲墮雲邊鉤月
初新待洗忽含顰為檀郎銀剪留痕遮藏且喚雙鬟
去莫捧金盆

相思引

為雲孫詠侍兒小福

年紀花梢半未諳柔情先似再眠蠶偏將串結珍重疊
香函 間伴夫人同闢草沉思未敢摘宜男郎情深淺
還向夢回叅

憶秦娥

堪訝

殊堪訝自將阿鶩無端嫁無端嫁留他不得掉他不下
眠人秋水臨行瀉舊時團扇應難舍應難舍看他明
日耐他今夜

閨怨

迎風坼隔簾長自鶯聲闕鶯聲闕起來無力睡來無夢
記得當年南浦送雙斟鵲腦情千種情千種低眉款
語幾聲珍重

鸚哥

猫來也鸚哥喚道哥哥打哥哥打聲聲懺悔摩訶般若
美人憐惜愁偏惹粉盃餵內犀簾下犀簾下金籠半
啟雪衣輕灑

冶游

郎君去郎君駿馬誰家住誰家住
壚前綠酒床前紅炬
游絲欲繫春風絮
睡花蝴蝶癡情緒
癡情緒千金博
得明眸一覷

畫堂春

夏日課婢掌書

幾妝書卷散牙籤
閒時信手常拈
拋來高枕帙誰緘
好倩纖纖
莫把燃脂汙染
還將辟蠹香添
頻頻親捧向

水簾一卷楞嚴

又 浣葛

衣紋單複盡能勻
憐伊大好腰身
那堪常傍葛衣塵
酒污餘痕
憑向銀床漫洗
任教蓮杆頻聞
桁邊風透帳
邊薰一縷氤氲

又 澆花

為憐春去惜芳菲
將泉欲滴花枝禿
衿小袖汲來遲
別樣腰肢
細灑恐濺裙幅
徐傾好沁香脾
一枝輕摘襯

烏絲揀又多時

又

曉藥

茂陵消渴未全瘥
奩中藥裹偏多一丸
休認枕邊按錯
皺雙蛾
曉久頻移花影
暄侵小褪香羅
竊來休向桂
婆婆伴了姮娥

又

烹茶

落花風裏綠烟輕
聽來細細清聲
憑攜方麈向茶鐺
蟹眼時烹
洗處輕攢素筍
當時小破朱櫻
定瓷親捧更

盈盈仙掌初傾

方勣扇
蟹眼泉

又揮扇

滿庭花影日光烘芳姿挾扇偏慵喚來珠汗正融融細

畱荷風拂去篆烟縹緲捉來玉指菁葱淡紅柏袂映

酥胸微漾輕容

唐詩嫌羅不
着愛輕容

又侍浴

隋鬟初卸拭輕紈綠雲迴手重盤笑郎新沐髻如凡何
日彈冠半晌勞按澡豆幾回羞倚闌干待穿犢鼻好

同看月掛林端

迴手入盤見秘辛婢擎琉璃碗盛滌豆王敦尚主事相如著犢鼻褌滌器

又拂簾

冰絲簾子出蘄州鋪來湘水平流為郎拂拭向紗幮涼
沁如秋 每到宵來重展却憐曉起偏羞臂痕人訝細
紋留今夜拚休

喜遷鶯

染甲

拈金鳳持硃砂纖指染紅葩慙慙捧得玉甌茶光映綠

沉瓜 莫輕彈休更剪夜半搔時誰見落霞琴上不曾

差流水泛桃花

蔡經思麻姑爪搔背光武與馮異書夜半誰為搔背癢也落霞琴名流水琴曲

海棠春

閨怨補和程邨阮亭韻 曉粧

畫檐檐馬琤琮響花幾片亂飄蛛網日射水晶簾影動
波紋漾 牡丹鬆髻梳新樣為鏡裏人兒心賞薄悅貯
犀簾嬌額風前敞

又 午睡

夜來花睡何曾足把往事欲拋心曲軟枕小釵橫軟襯
芙蓉褥衣痕細細肌勻肉半醒處咳成珠玉喚煮鷓
鴒茶烟漾紗窗竹

又
晚浴

梧桐月暗人無影私閨處舊愁都醒燈晃背湘簾玉隋
春波冷金釵却却銀華鏡拂拭久綠雲猶整簫局漫

熏衣幾度添宮餅

簫局熏
籠也

又
夜坐

芭蕉却報黃昏雨聽不斷蓮花雙杆擁膝更支頤趺坐
渾無語 冶遊試問誰邊去全不聽城頭鼙鼓應教短

轅中揮禿瑯琊塵

瑯琊王導營別館曹夫人如將往馬導恐妾被辱執塵尾柄驅牛車進蔡

謨戲曰朝廷欲加公九錫聞有短轅轅車長柄塵尾

慶春時

日長

半窗閣繡幺絃罷曲漫火餘香玉人此際粧成無事纔
覺日初長 銀驄何處等閒嘶過紅墻鶯簧吹轉柳綿

飛起儘日好思量

攤破浣溪紗

曉起

曉擁香篝意惘然
祇因芳夢記難全
起向藥欄渾獨立
倩誰圓
倭墮髻垂遮領字
水沉香透結末船
閒整新

粧還自顧惜娟娟

領字衣領作心字者末船末鈕也
昔人以解天子呼來不上船之句

眼兒媚

江上鴛鴦

初春嫩綠染香溪
鴛鴦作陣飛迷香曲處
雙雙三六若箇情癡
新來怕見離愁事
鎮日並頭棲韓朋塚
下竇家機上不肯相依

桃源憶故人

擬代

鴛鴦枕上青山誓
話得十分容易不料有頭無尾枉受他調戲
知他又把前翻計
別院應還重試暗笑那人知未薄倖從前既

燭影搖紅 第一體

偶筆

到得而今鬚眉已逐簪笄嫁應知孝弟力田科却是東
陵郭 消受酒晨花夜便游俠不將名借青蠅休吊龍
泉太阿汝知我者

鬲溪梅令

賦得卧房階下插魚竿

簾前綠水映雲屏自盈盈敲得銀針獨向盡橋凭粉郎

歸未曾 粉郎空有許多情未均勻好似簾鈎偏重帳
鈎輕魚鈎只幾分

西地錦

同三五女伴道小名

不合相攜鬪草把小名輕告隣娃便說而今輸却把小
名爭叫 萬一儂家輸了寧可酬花鈿怕他簾外侍兒
竊語被檀郎知道

極相思

賦得有約不來過夜半

玉簫閣在花茵留記月波痕
朱扉半掩青燈半滅作意
銷魂 半晌月痕移舊處
風淅淅幾度微聞明知不是
伊家屨響聊且開門

留春住 第一體

浣手繡觀音

蘭湯浴手窗前先就紅蓮嬌
片須記他原少凌波休錯
配鴛鴦線 繡着金身須半面
似向懷青眼春筍纖纖

近慈雲疑紫竹林中現

凌波
襪也

瑤池燕

開簾引燕

當年曾偕昭陽殿燕燕移家新到珠院
雙雙見蕙花半箭銜來健
妬雙雙畫閣穿遍
將簾掩雌雄暫敘違面
心休蹇三生今欠須方便

思越人

高軒過

避車塵調蟋蟀甘稱閑戶先生多事乘軒還過訪方知
人重功名 黃金不與儂厮認原是床頭冰冷何物誤
人田二頃散與酒徒須盡

杏花天

憶夢

雲眠月醉青山卧把好夢背他偷做杏箋方欲雙題和
忽被寒濤鼓破 奈未夢心情猶可到夢後淒涼怎過
呼奴好伴挑燈坐今夜夢來須躲

雙調望江南

閨夜

和郎坐間話說東家小鴨漫燒宮裏餅香濤滾潑雨前
茶春去且由他和郎坐粧卸玉簪斜戲譜新詩題冊
葉輕移小盞護燈花遲遲入帳紗

江月晃重山

初避人

幾片桃花漬面一圍蝶翅披肩當初生小在人前游郎

到迴避只今年 飲笑與人索扇低眸喚婢垂簾猶飄
紅袖出屏間還偷覷輕踢鳳鞋尖

鷓鴣天

憶

豈覺香含正未笄三年嬌笑手長攜羽衾熨處分龍腦
羅幙縫成索麝臍 花並蒂燕雙棲合歡猶卜紫姑乩
傍人已道成連理惹得春山翠黛低

繡苑

繡苑晴光盡日佳更無愁思望天涯名花結果春前定
小鳥姻緣枝上諧 纏錦帶脫金釵秋千架了近香街
綠繩握處開裙衩多少香風正入懷

別

賦得將離向綺窗桃花流水送遊艘柔腸乍結先迴九
小字親鈎定取雙 同玉案件銀缸慣來一晌不驚厖
多情恐逐浮萍去發愿拈針繡佛幢

芍藥一名將離

寄

兩小無猜直到今
丙寅鵲腦慣同斟
鴛鴦向午常交頸
苴菴多時始見心
曾賦別幾嗣音
天涯南北雁難尋
歸來朱鳥窗前看
應有蛛絲網畫琴

十月丙寅以鵲腦入酒令人相思

嘆

是處常來好當家
慣從明鏡看朝霞
夢中猶認崔娘枕
扇底難披溫令紗
人忽別思無涯
歸來空訝七香車
迎風一笑回頭望
髻髻雙簪並蒂花

慰

何處春風着柳斜
深深庭院綠陰遮
每彈指處聞花歎
自抵牙時為曲差
頻減膳漫呼茶
莫將惆悵餞年華
門前流水藍橋鎖
猶度當初金犢車

昨夜

昨夜天孫罷錦梭
輕槎無恙到明河
幾經私語全珍重
再試真心薄譴訶
羞月姊避鸚哥
玉人頻問夜如何
最憐蝴蝶驚魂驟
輸與莊生曉夢多

虞美人

臨風寄語

花陰空覆鴛鴦寢寒入紅衾凜早知好事付秋風何似
當初索性不相逢聞伊別後思量意竊自沾沾喜累
伊憔悴倍心傷又望伊家索性不思量

限韻咏池上楊妃海棠

馬嵬坡上楊妃血灑徧枝和節依稀猶是舊檀心却似
唐宮睡去夜初深梅妃應笑胭脂重欲喚從前夢臨
池照處映魚茵疑向三郎傳語倩雙鱗

木蘭花令

集句

初捲珠簾看不足

權德輿

翠袖紗牕紅映肉

蘇軾

犀辟塵埃

玉辟寒

元稹

花為步障金為屋

胡宿

日暮東風春草綠

武元

衡紫穗紅英曾斷目

元稹

繡軔香韉夜不歸

崔塗

端居嬾唱

將雛曲

駱賓王

南鄉子

舟次集唐

疎雨過春城

王維

夾岼桃花錦浪生

李白

復有樓臺銜暮景

新晴

杜甫

樹裏南湖一片明

張說

噉噉夜猿鳴

陳子昂

野渡

無人舟自橫

韋應物

蝴蝶夢中家萬里三更

李益

行盡江南

數十程

杜常

客舍集唐

回首一傷神

杜甫

暮雨千家薜荔村

譚用之

燕子不來花著

雨黃昏

韓偓

寂寞山窗掩白雲

權德輿

歸思欲沾巾

杜審言

雨過山城見月新

錢起

獨在異鄉為異客思親

王維

斷續鴻

聲到曉聞

張仲素

一斛珠

佳人劇馬掉

團團有對小花兒，肚殊堪愛。而今多少金釵在天女散
花賀，倒須教倍。小姑亂掉全無謂，三葉風旂都扯碎。
儂家更有鴛鴦背，不喜金釵私喜名兒美。

東坡引

十賚詞示婢

選九首
湖鏡

苔溪前歲住曾把銀華鑄玉臺猶恐塵埃駐須將珍重
貯須將珍重貯伊家自信傾城無侶試照向簾前去
箇中人也將人覷肯教他讓汝肯教他讓汝

二 杭粉

粉丸鉛雪冶捻就和蘭麝幾年西子湖頭買開函香尚
惹開函香尚惹慙慙贈與料應稱謝却畱向湘簾下
道儂真色何曾借不堪珠汗灑不堪珠汗灑

三 濟寧油膩脂

朱唇何待染，刺繡憐香腕。
不龜手藥，任城換簪來挑與。
看簪來挑與看，別開寸紙，腥紅膩軟。
偏半晌，沉吟玩問郎原碟。
多應滿是誰分一半？是誰分一半？

四 如鼻竈

如鼻人射雉，曾把湘篴寄勾排。
密比多堅緻，與誰除髮膩。
記他枕上蘭膏微滓，便喚向風前試。
原來背後無人倚，宛伸憐玉臂。
宛伸憐玉臂。

五 六合肥皂

纔梳雲髻嬾旋把新羹做藥鑪茶竈時時課恐教纖手
浣愁教纖手浣 雄州皂莢搗和百和浣手處揆抄過
夜深推枕鉤郎卧餘香猶在麼餘香猶在麼

六 餘東手巾

香巾何細潔云是餘東織見他珠汗融融濕換他紅袖
袂換他紅袖袂 繡床間掛有時輕摺將素手頻頻拭
拭時莫把雙銀脫應防儂欲竊應防儂欲竊

七 建寧香袋

縫成紅素絹粧就鴛鴦綠雙雙蟠子雙雙燕一雙圖半
面一雙圖半面 繫他裙衩氤氲堪羨願翠管郎親捻
翻來覆去教郎見這邊題欲徧這邊題欲徧

八川扇

泥金疊扇子別樣成都紙盤來雙鳳雲如綺藏時曾見
未藏時曾見未 偶然檢出攜來花底早捉向纖纖指
輕搖莫便心兒喜秋風明日起秋風明日起

九 蕲簞

簾紋冰玉潤獨有懷床襯伊家臂上紋微印怕人容易
認怕人容易認當初買向田家古鎮這長物應難吝
與伊鋪在紗帷近銀燈將欲暈銀燈將欲暈

王忱索王
恭六尺簾

送之遂坐薦上曰吾
生平無長物長去聲

十五家詞卷二十九